

Vi ste ovdje: [Početna](#) ▶ [Vijesti](#) ▶ [Vijesti 122](#) ▶ Bilten za 20.08.2025. godine



Menu

[HOME](#)[OGLASI](#)[KONKURSI](#)[JAVNE NABAVKE](#)[ZAVRŠENE JAVNE NABAVKE](#)[VIJESTI 122 I SAOPĆENJA](#)[AKTUELNO](#)[GRADANSTVO](#)[INFORMACIJE](#)[CYBER SIGURNOST](#)[LINKOVI](#)

Arhiva bilten

August 2025

Po	Ut	Sr	Ce	Pe	Su	Ne
28	29	30	31	1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

Pregled vijesti 122



Bilten za 20.08.2025. godine

Objavljeno četvrtak, 21 Avgust 2025 09:40

Klikova: 90

JAVNI RED I MIR

Na području Zeničko-dobojskog kantona javni red i mir je narušen u četrnaest slučajeva. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

KRIMINALITET

Zenica

Dana 20.08.2025. godine, oko 06,00 sati, u holu Kantonalne bolnice Zenica, od strane lica H.L., rođeno 1998. godine i H.E., rođeno 2002. godine, iz Zenice, izvršeno je nasilničko ponašanje prema licima Š.A. i M.A. iz Zenice. Uviđaj je izvršen od strane policijskih službenika Odsjeka kriminalističke policije Policijske uprave I.

Visoko

Dana 20.08.2025. godine, u 08,40 sati, u mjestu Arnautovići, od strane policijskih službenika Policijske stanice Visoko zaustavljeno je putničko motorno vozilo marke „Peugeot“, kojim je upravljalo lice M.V., rođeno 1995. godine iz Sarajeva, u kojem se kao saputnik nalazilo lice Y.K., rođeno 1978. godine, državljanin Republike Turske. Izvršenim pregledom, od strane policijskih službenika Policijske stanice Visoko, kod lica Y.K, pronađena je biljna materija, koja svojim izgledom asocira na opojnu drogu. Od strane policijskih službenika Policijske stanice Visoko je izvršen uviđaj. Zbog postojanja osnova sumnje da je izvršeno krivično djelo „Posjedovanje i omogućavanje uživanja opojnih droga“, lice Y.K. je lišeno slobode i zadržano u prostorijama za zadržavanje do završetka kriminalističke obrade.

Zavidovići

Dana 20.08.2025. godine, oko 09,50 sati, u ulici Mehmed Paše Sokolovića, od strane nepoznatog lica izvršeno je krivično djelo „Teška krađa“ u parkirano putničko motorno vozilo marke „Mercedes“, vlasništvo lica I.B., rođenog 1980. godine iz Zavidovića. Tom prilikom je otuđen novčanik u kojem su se nalazili lični dokumenti, baknovne kartice i novca u raznim valutama. Policijski službenici Policijske stanice Zavidovići nastavljaju rad na dokumentovanju navedenog krivičnog djela.

Dana 20.08.2025. godine, oko 10,30 sati u mjestu Vukmanovići, od strane lica Č.S., rođen 1985. godine iz Zavidovića, izvršen je fizički napad na lice Dž.M., rođeno 1966. godine, iz Zavidovića, uposlenika Kantonalne uprave za šumarstvo Zeničko - dobojskog kantona, Zavidovići, koji je tom prilikom zadobio lakše tjelesne povrede, konstatovane u Službi hitne medicinske pomoći Zavidovići. Uviđaj je izvršen od strane policijskih službenika Policijske stanice Zavidovići. Zbog osnova sumnje da je počinio krivična djela „Laka tjelesna ozljeda“ i „Sprečavanje službene osobe u vršenju službene radnje“, lice Č.S. je lišeno slobode i zadržano u prostorijama za zadržavanje do završetka kriminalističke obrade.

Dana 20.08.2025 godine, oko 21,10 sati, u mjestu Brezik, od strane nepoznatog lica izvršeno je krivično djelo „Teška krađa“ u parkirano putničko motorno vozilo marke Golf“, vlasništvo lica C.E. iz Žepča. Tom prilikom iz vozila je otuđeno vatreno oružje-pištolj marke „Češka zbrojovka“, vlasništvo prijavitelja, auto kasetofon i jedan muški parfem. Policijski službenici Policijske stanice Zavidovići nastavljaju rad na dokumentovanju navedenog krivičnog djela.

Maglaj

Dana 20.08.2025. godine, oko 19,20 sati, u mjestu Jelovac, na putu M-17, od strane policijskih službenika Policijske stanice Maglaj zaustavljeno je putničko motorno vozilo marke „Ford“, kojim je upravljalo lice O.S., rođeno 1994. godine iz Teslića, dok su se kao saputnici u vozilu nalazila lica V.S., rođen 1994. godine iz Tešnja i K.H., rođen 1980. godine iz Tešnja.

Prilikom pregleda lica O.S. od strane policijskih službenika Policijske stanice Maglaj, pronađena je praškasta materija koja svojim izgledom asocira na opojnu drogu, a prilikom pregleda lica K.H. pronađena je praškasta materije, koja svojim izgledom asocira na opojnu drogu i vatreno oružje - pištolj marke „Češka zbrojovka“ kalibra 7,65 mm, za koje nije posjedovao odobrenje za držanje i nošenje vatrenog oružja. Zbog postojanja osnova sumnje da je lice O.S. izvršilo krivično djelo „Posjedovanje i omogućavanje uživanja opojnih droga“, a lice K.H. krivična djela „Posjedovanje i omogućavanje uživanja opojnih droga“ i „Nedozvoljeno držanje oružja i eksplozivnih naprava“, oba lica su lišena slobode i zadržana u prostorijama za zadržavanje do završetka kriminalističke obrade, a putničko motorno vozilo marke „Ford“ je privremeno oduzeto i deponovano na službeni parking Policijske stanice Maglaj.

BEZBJEDNOST SAOBRAĆAJA

Dana 20.08.2025. godine, u 20,45 sati, u ulici Štrosmajerova, Grad Zenica, dogodila se saobraćajna nezgoda u kojoj su učestvovali putničko motorno vozilo marke „T-Rock“, kojim je upravljalo lice Č.N. rođena 1985. godine iz Zenice i motocikl marke „Kawasaki“, kojim je upravljalo lice P.H., rođeno 1993. godine iz Zenice, koje je tom prilikom zadobilo teške tjelesne ozljede, konstatovane u Kantonalnoj bolnici Zenica. Izvršen uviđaj od strane policijskih službenika Odsjeka kriminalističke policije Policijske uprave I.

Na području Kantona dogodilo se još sedam saobraćajnih nezgoda, u kojima je jedno lice zadobilo lakše tjelesne ozljede, gdje je na vozilima pričinjena materijalna šteta.